

SAMOA

**TULAFONO FAATONUTONU O VAALELE SIVILI (LAFOGA
MO LE SAOGALEMU MA LE PUIPUIGAMALU) 2015**

Faatulagaina o Aiaiga

- | | |
|--|-------------------|
| 1. Igoa puupuu ma le amataga | 4. Totogi |
| 2. Faamatalaina o uiga o upu | 5. Aoina mai |
| 3. Lafoga mo le saogalemu ma le
puipuigamalu ma tuusaunoaga | 6. Soligatulafono |

E TUSA AI ma le fuaiupu 37 ma le 126 o le Tulafono o Vaalele Sivili 1998 (“o le Tulafono”), **O AU, TUI ATUA TUPUA TAMASESE EFI**, o Le Ao o le Malo, i le faia i luga o le fautuaga a le Kapeneta, **UA OU FAIA AI** Tulafono Faatonutonu nei:

FAIA i lenei aso 9 o Setema 2015.

sainia: (Tui Atua Tupua Tamasese Efi)

O LE AO O LE MALO

TULAFONO FAATONUTONU

1. Igoa puupuu ma le amataga-(1) E mafai ona taua nei Tulafono Faatonutonu o Tulafono Faatonutonu o Vaalele Sivili (Lafoga mo le Saogalemu ma le Puipuigamalu) 2015.

(2) O nei Tulafono Faatonutonu e amata faamamaluina i se aso e filifilia e le Minisita.

2. Faamatalaina o uiga o upu - I totonu o nei Tulafono Faatonutonu, ae vagana ai ua manaomia e le mataupu se isi uiga e ese ai:

“pasese” o lona uiga o se tagata ua tuua Samoa mo se isi atunuu i se vaalele mai se malae vaalele o lo o faagaioia po o faafoeina e le Pulega o le Malae Vaalele.

3. Lafoga mo le saogalemu ma le puipuigamalu ma tuusaunoaga-(1) O le lafoga mo le saogalemu ma le puipuigamalu e \$11.00.

(2) O tagata nei ua tuusaunoa mai le totogiina o lafoga mo le saogalemu ma le puipuigamalu:

- (a) o Ao o Malo po o Faauluuluga o Malo ua tuua Samoa mai se faiga malaga faapitoa po o se vaalele faapitoa;
- (b) o tagata passes e uia Samoa o lo o i Samoa mo le umi e lē silia le 24 itula;
- (c) o se tagata e i lalo ifo o le lua (2) tausaga le matua.

4. Totogi - E ao i se passes, a o le i tuua Samoa, ona totogi le lafoga mo le saogalemu ma le puipuigamalu e faatupeina ai:

- (a) gaioiga tau pulega o vaalele sivili a le atunuu; ma
- (b) le tausiga o meafaigaluega mo le saogalemu ma le puipuigamalu,

i so o se malae vaalele faava o malo a Samoa.

5. Aoina mai-(1) E faaaogā tulafono faatonutonu 5(1) e oo i le (5) o le Tulafono Faatonutonu o le Pulega o Malae Vaalele (Totogifuapauina, Tau Faaee Atu ma Lafoga) 2013 i le aoina mai o totogi mo lafoga mo le saogalemu ma le puipuigamalu.

(2) E mafai e le Ofisa Sili o Pulega ma lē e ona po o le tagata o faafoeina se vaalele, ona sainia se maliega e uiga i so o se komisi e mafai ona totogiina atu i lē e ona po o le tagata o faafoeina se vaalele, mo le aoina mai o le lafoga mo le saogalemu ma le puipuigamalu.

6. Soligatulafono - O se tagata o ia lea ua lē mafai ona totogiina atu le lafoga mo le saogalemu ma le puipuigamalu, ua ia faia se soligatulafono ma e noatia i luga o se moliaga ua faamaonia faaletulafono i se sala tupe e lē silia le 10 iunite tau faasalaga.

Tuaina atu i lalo o le pule faataga a le Tulafono o Tulafono Faatonutonu 1953.

Aso e amata faamamaluina ai: O nei Tulafono Faatonutonu e amata faamamaluina i se aso e filifilia e le Minisita.

O nei Tulafono Faatonutonu o lo o faafoeina e le Matagaluega o Galuega, Felauaiga ma Atinae Eseese.

O ata o nei Tulafono Faatonutonu o lo o mafai ona faatauina atu, mai le Ofisa o le Failautusi o le Fono Aoaofaitulafono.

**Lolomiina e le Failautusi o le Fono Aoaofaitulafono,
i le pule a le Fono Aoaofaitulafono.**